



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四九九

秋竹齋詩存八卷秋竹齋試律附存一卷 梁運昌 撰

一

紅香館詩草一卷附紅香館詩餘 惲 珠 撰

六九

左海文集十卷左海文集乙編二卷絳跗草堂詩集六卷 陳壽祺 撰

七九

東觀存藁一卷 陳壽祺 撰

五八九

朱文定公集十卷 朱士彥 撰

六二五

秋竹齋詩存

通志中校同堂弟章詒編定
受業弟子王道微校刊

秋竹齋詩存

秋竹齋吟卷自序

余年七歲元日先子方與客譚余私欲作詩屢向先子詢平仄
先子驅使去客憐其意愆愆先子卒教之自是日識聲律十二
歲隨侍往古田山中讀書先子課唐詩爲言七言近體盛唐太
樸晚唐卑弱唯劉長卿皇甫冉至大愿十子爲可學且言許渾
最爲下品余初未有所解惟謹識之不敢忘十五補弟子員後
四年而三鄉試方習舉子業無暇攻詩二十一失恃次歲壬子
秋入都臘底由都入黔甲寅秋還里舉鄉賦冬杪北上前後道
途閒稍稍學篇章紆岑寂向之所受於庭訓者亦盡忘之何知
有格律哉丙辰閒居偶錄一卷請正於同里鄭蘇年先生先生
目爲清麗且嘉其能留心章法爲詳述詩家源流體裁正變而
終之以理性情續學問自講席歸則車轍先至門外所以獎借

秋竹齋吟卷

自序

者甚備先生意蓋欲掖之俾有成也顧余反因是舌橋筆不敢
下者且十載殆嚴滄浪所謂識羞恥者然負先生教多矣已未
成進士改庶常方肆力於八韻之作亦無暇爲古近體詩辛酉
秋假歸侍奉旋客武林甲子言還越二載丙寅閉門讀禮斷吟
詠三歲餘然家居故不多作晚遭家難雙伏鄉園二十年遂多
拂鬱憤懣之音而清吟無聊興會非佳泣露秋蟲徒聞寒苦視
前作又不及甚自壬子至乙酉三十四年得詩九百有奇而詠
史之作居其半蓋斷絕交遊無所寄託其勢必至於是猶復不
忍毀棄手自錄寫成帙而兒子癡愚納糧無所自是之後其妄
之蠹魚篋中其爲少年攫去其爲臧獲一炬焚之皆未可知若
幸而未死天假之緣終當郵致家弟芷鄰寄託此一點心血且
蘇年先生不可作無所質吾詩者姚武功心法在於李建州論

次吾集者非芷鄰而誰屬耶嗟夫平生弱而奔波壯自放廢老乃窮蹙以終若是而僅留此一寸帙即使可傳亦無幾矣況又未必傳哉亦付之浩歎而已

道光五年歲次乙酉孟夏之三日江田田父書

秋竹齋吟卷

自序

雲公家傳

同堂第五第章鉅撰

公姓梁氏初名雷成進士後改今名字春中一字雲又字曼叔晚號江田田父茂才叶所公之第三子也叶所公精於星命之學於其誕之月前數日語家人曰若生於是月某日某時必非凡格已果應期實乾隆之辛卯年辛卯月己卯日丁卯時也幼慮其弱不督之學十齡即可應童試禁弗使出而向學益勤光州吳香亭先生來督閩學聞其爲文章宗匠銳欲入試諸季父私縱之出遂補弟子員叶所公因亦縱其所學嗣丁叶所公憂三季父岱巖公作令黔中攜與俱踰年爲甲寅聞有恩科遂辭歸與同懷伯兄虛白公及章鉅同舉於鄉是科功令新舉人歸督部覆試重榜亦張鼓樓遂冠其曹嘉慶己未成進士殿試以十卷頭引見入翰林是年秋開實錄館座主大興

秋竹齋詩存

家傳

三

朱文正公領其事精擇儒臣二十八人奏爲纂修公以新庶常獲與斯選前後所僅見也在館日屢被紗葛瓜果之賜又內發摺疊扇數十柄勅館臣之工楷法者分書之公亦在選散館試列一等授編修是冬乞假省母座主長沙劉文恪公致留之不得文恪嘗語人曰梁三品學事事稱吾意惜其不能飲酒無以傳吾衣鉢耳雖一時戲語亦足見其契分之深矣歸里未數月值滿洲文遣舉少宰督浙學招之入幕時撫浙者爲儀徵阮相國皆座主也公往來兩浙署請業請益所學益進既又以省母辭歸旋丁內憂以二親未葬又體中多病遂不復出公幼穎異見解多出人意表六歲學書即能摹懷仁聖教序叶所公欲令專意楷書授以快雪堂本樂毅論學之經年一日瞿然曰此非右軍書也乃舍去泛濫學秦漢篆隸於琅邪釋山諸

刻及曲阜任城諸碑無不臨仿兼精篆刻工書畫者求之無弗應又旁通繪事作蘭石楚楚有致前無古人偶渲染寫花卉以憚南田設色太濃每以淡遠相勝然不多作零縑片楮人爭寶之中年自以生性下急欲託琴德以頤養天真學之輒精其理有以古琴求售者背刻光和二年字下有升字押物主轉以相質公審之知爲唐昭宗年間所製升字或是雷升押字驗其二三徽吟聲極清長非千年物不能因囊空不能購薦之友人以價廉不之貴遂爲流俗所得公惋惜累日作詩閔之鄉里多詭其事生平篤於友誼然性落落實合得入其門者蓋渺里居時與曾禹門魯春廖佩香英爲貧賤之交二君皆詩人時以唱和相酬切佩香早卒公爲營墓山中督工四十餘日不倦執杵者咸感激相勸用力事畢題其墓門曰黃壤可憐埋傲骨青山長

秋竹齋詩存

家傳

四

遣伴吟魂在京師時惟與蕭山湯敦甫金剛高郵王伯申引之涿州盧厚山坤通州白小山銘桐城吳春麓廣枚武威張介侯澍爲道義文字之交歸里遂斷絕音問前後有持節來閩者亦彼此不通一刺足跡不入州府有過訪者輒拒不納以此得孤傲名閉戶讀書謝絕人事於醫卜堪輿之學靡不宣究自言窮經非力所能雜放據亦性所不近惟論史及論詩似別有會心之處故今所存詩詠史之作居其半二十許歲時嘗自錄所作古近體一帙屬章鉅轉呈同里鄭蘇年先生先生極賞異之詳加評論勗之以理性情續學問公爲之心折自是守先生之指授終身不忘詩亦日進五十歲始勒成定本意欲託章鉅以傳於世見於自序中時章鉅方宦游南北公書未及達遽歸道山年僅五十有七越十餘年章鉅再歸田從福州老屋中檢取遺

稿其孤兒春辰乃出秋竹齋吟卷兩帙相示則皆公所手錄塗乙之痕滿紙因費旬餘日之力鈔一副本而刪其積滯率易諸篇次爲八卷附以館課試律一卷已足以存公之生平矣然非篤於情復深於學者未易覘其底蘊惜蘇年先生不及見其成也因屬其門弟子王生未蘭道穀校付梓人以質世之知詩者聞此外雜著尚有陳氏古音攷訂讀詩攷韻新譜四書偶識史漢眉評說文小箋難經發明兩漢魏晉宋齊詩式全唐詩隨筆唐人風格集杜園說杜韓詩細蘇詩鈔以及四書文編尙不下數十卷藏其姪何昉藹孝廉廣意家

秋竹齋詩存

家傳

五

煦煦與相歡暱卽窮獨孤寡惴然恐不當其意而不喜與權貴豪富交稍不稱心卽怒形於色以故人多望而畏之而有時坦易之處則又不可測以極情此其所以雖踐清華終歸困苦也憶余與公同上公車以己未元日過杭州西湖初遊淨慈繼至靈隱公挈余坐冷泉亭上徘徊瞻眺恍有所思余欲與公同進寺門促之至再公堅不入余頗訝之歸詰其故公曰疇昔曾夢遊一大寺甫至門寺中鐘鼓並作有僧衆謹迎曰老和尚歸來矣我斥之曰尙有未了之事須遲三十年再來也今日到此恍然夢境是以不欲入耳然則公前身其僧矣余又烏從而測之

秋竹齋詩存目錄

卷第一

出門述懷八首

北行三首

困關

建寧見余氏

仙霞嶺

釣臺

武林

南宋故宮

贈延平盧孝廉

岳忠武墳

于忠肅祠

松江舟行

吳江舟行

宿平望水次聞笛

曉渡揚子江

平原懷古

途中代書寄伯兄

自都城赴貴州

張睢陽祠

黃鶴樓

秋竹齋詩存目錄

岳陽樓

曉渡洞庭湖

長沙懷古

雜興八首

旅雁

貴陽遣悶八首

長塞寄廖佩香四首

甲寅元日

苗寨

鄰翁邀看芍藥

武陵

宜春江行

滕王閣

溪漲

六月三十日抵家

九月六日榜發

卷第二

乙卯元日

懷五弟蒞鄰

禹門索詩戲成十首

凌霄嶺

大岡嶺

黎嶺謁李建州祠

五顯嶺

兩漢詠史百首

續兩漢詠史四十首

雨中憩江山縣亭子

江岸閒步

江頭贈漁者

下第述懷

杭州留曹稼村

寄酬禹門二首

送伯兄北上四首

除夕

丙辰人日

懷伯兄

見新燕二首

雜興四首

先人敝廬歌

秋海棠四首

窮癡詞

臘日獨游宿猿洞

九仙山越王石尊

卷第三

丁巳閒居四首

感物懷人二十首

秋竹齋詩存目錄

感遇

哭禹門六首

南北史雜詩廿八首

劉達庵師哀詞

哭曹稼村

擬讀曲歌四首

拜新月二首

烏夜啼

劉生

古意

戊午公車

登延平明翠閣

廣陵泊舟

灣頭遇雪

六安溝

臺莊登陸

早過滕縣

送荏鄰南還

翰林院教書

題許畫山石林卜築圖

題經義校後

呂烈女詩

德安張李雙節詩

恭赴 實錄館纂修

哭官志齋

開蟬

嘉慶 聖德詩

病中寄佩香

請假還里

臘月抵里門

卷第四

壬戌四月赴灘川

溪行六言二首

至灘川寓徐璞園家

僧寺與璞園話別

西江舟中詠懷六首

嚴陵舟中貽陳蓮夫四首

自題夕葵山館圖四首

又次蓮夫韻

除夕留武林試院

對月書懷二首

發武林旋里

衢州別蔡天石

念八都山行

念八都徐姓逆旅

漁梁

山居訪舊識不遇

秋竹齋詩存

目錄

三

甲子六月抵家

哭佩香八首

爲佩香孤兒釀助

六月承文少宰師書

爲佩香營葬

賀故人子補弟子員

貽同居劉翁三首

題余梧岡小照

題南浦書院畫幅

莆陽道中二首

夢侍坐文少宰師

安溪過葉谿田 文載二一首

自題行脚圖四首

兜觥歸趙歌

口占贈谿田二首

送郊亭明府四首

游施氏花園二首

葉仿江饋橘

薛先生

訪了堂師四首

積翠寺

送荏鄰入都補官

黃葉僧乞詩

挽陳秋坪郡丞

林義姑詩

卷第五

雜詠史四十二首

寄了堂僧

山中客至留宿

忽忽

哭葉仿江四首

前四皓詩

書金樓子後

乙亥除夕病中

元日重題

贈同年江蘭邨

書東坡讀東野詩後

晉江宗人求茂荆堂詩

徹夜

夢佩香

閨琴

楊妃菊

讀漢書本紀八首

讀鄭康成傳二首

讀馬融崔駰班固傳二首

秋竹齋詩存

目錄

四

卷第六

丁丑元日

親友欲爲作生日

弔李鄴齋方伯

與余梧谿話別

道山春游八首

擬左太冲詠史八首

歎逝

秋懷

病中二首

白髮十二首

哀感

長至書懷四首

挽了堂僧三首

祭竈謠五首

神君祠

答陸次雲

正月晦日答陸次雲

陸次雲和詩疊前韻招之

讀郊島集

書懷

卷第七

讀柳子厚詩

後四皓行

與次雲同作論光武詩

題杜工部集十二首

題薛太拙集五首

戲題白太傅集六首

陸次雲招登烏石山

醉歌行

感篇詩

偶作論近體詩廿八首

哭仲兄四首

寄廬明府

荆卿詩

蒯生詩

狂生

卷第八

番儲詩

蟹別十六首

追悼故人黃祖參

讀華陽國志二首

冬蔬三首

反游仙詩

秋竹齋詩存

目錄

反挽歌辭

題白香山集二首

聞歌感舊

脫牙

四家詩四首

續作文信侯一首

追和生春詩五十首

附試律一卷

明月前身

自鋤明月種梅花

心在笙鴻

魚不可脫於淵

布指知寸

彭鏗樹雄

稻生於水

易重一斤

天河洗兵

皇皇者華

玉以瑜潤

山無韋帶

登高能賦

百年樹人

任杖得其材

江海無爲

蒲盧縈繳

賣劍買牛

智燭信符

枕善而居

穆如清風

桐木成雲

文以載道

鴉鳥欺孺子

說士甘於肉

五明扇

王壺冰

葵心向日

松柏有心

緩如安裘

土美養禾

六事廉爲本

聚米爲山

虎氣必騰上

燈緣起艸挑

峰重抱香歸

雲近蓬萊常五色

一日看徧長安花

秋竹齋詩存

目錄

花爲四壁船爲家

穿花蛺蝶深深見

東風已綠瀛洲艸

野合時雨潤

瞻榆束末

桐生茂豫

夏雨兩人

龍見而雩

梅炎藻夏

農乃登麥

麥隴風來餅餌香

綠樹陰濃夏日長

好風與之俱

有滄興南岑

快雪時晴

天公玉戲

芳芸應節馥

水泉動

刺繡五紋添弱線

披榛采蘭

道以神理超

夏房馬

秋竹齋詩存卷第一

福州 梁運昌 夏叔

出門述懷

乾隆壬子秋余讀禮未期適三叔父岱巖公需次入都令執
鞭勒之役三辭弗獲已重以慈母之命迺勉行是時余方戀
孟瓶菴師講席殊怏怏也自悼弗蚤成名身孤學廢感賦此
詩兼以識別

少小習詩禮嚴訓承過庭遠期無近逸十一已出行十一歲隨侍往古田
讀書十五歸一試聲華滿庠翼從茲志意廣抱負未肯輕慨然

千秋業不在拾紫青

十六離家塾結交多老蒼就中孫與廖意氣尤激昂少年廟未
座先輩容彌莊相勸以道德豈獨能文章用是益自重先資試

秋竹齋詩存

卷第一

名場

三戰三敗北自信玉有瑕嚴君無責意翻然為咨嗟中年雖不
售薄藝夙所誇酉開亦黜落中丞迺見嘉拔之遺逸中拂拭聲

價加徐兩松中丞搜落卷送書院肄業列余前茅

鼇峰育才地資我入遊學大賢主臬比孟辦菴師雅操成風斷憐余

故人子妙歲已卓犖是年十歲獨抱瑚璉姿所貴加礪琢相期在

器用文藝兼揚推

愚不省愛日自謂歲月長椿庭倏見背泣血天無光廿年蒙教

養佇望青雲翔未得見成名我罪如山岡身貴且無及况為游

子傷

長者有遠行招我相追隨戀此螢窗業弗忍荒於嬉庶將勤苦

志無負先人期請業日有益亦難違本師重以慈母命此行迺

莫辭

何以束其裝破衣舊書冊丈夫四方志借此遊亦得昔聞太史
公五嶽成杖策山川壯登覽風土曠經歷何知此遠行不為讀
書益

所恨名未遂先試京華塵三載卻復返已非昔青春親有不努
力身孤逐浮雲無成即浪跡俯仰慙師門諒非棄縉客擁別謝
諸君

北行拜辭先靈奉別母兄三首

永斷趨庭訓仍吟陟岵篇別離非膝下教誡豈牀前失陰漂零
早無成出處偏開頭作遊子期許媿當年

不作牽裾別安知老母慈縫衣都是淚掠鬢已成絲孤矢雖相
勸門閭敢後期年返所慙非進取何忍見違離

秋竹齋詩存

卷第一

今日脊令原分飛各斷魂辭家季行役孤子伯當門命與詩書

背身為道路奔別離轉成想此去亦何言

困關

萬兀千搖始到頭關前收拾片帆秋上水船至此卸舵不用嵐多山市遲
開店地少江村半架樓紅樹陰中過驛騎白蘋香裏喚漁舟鄉

音未改休辭滯明日溪灘即上游

建寧道見余民

多阻狹難居史記開趙傳云東遷遷淮地遂虛餘民逐蛇鱸遁

跡混羹魃火米田無稅余聖田將成熱則棄去終不升科李德裕詩五月畚田收火米畚即余字俗書

或作鹹枝菜有植山中有鹹木以其葉醃鴨卵佳於鹽廣韻

名或即杭木杭木汁可鹽鴨卵山中人用此而不能言木也杭音元不逢歸崗客誰作問津漁無到其地者

仙霞嶺

未及翠微際已驚登頓頻天高甌越小地僻煙霞新修竹不知
日老松無意春菴門俯窗篠亭檻入嶙峋山店茶爲市僧廚荷
作薪杖聲青玉戛笠影白雲皺勢峻關依險時清成少人上方
聽轉梵暫可息勞塵

釣臺得各字

蒲輪歸釣劇風清惡臥堅眠似不情天子幾人曾故舊漢家諸
將各動名易尋物色齊邦近莫動星文帝座明終是海涵歸聖
主將鬚誰更耐狂生南史何允事

武林

三日海門潮不入遺老呼天暗掩泣吳山立馬畫中人真向吳
山策馬立建炎餘業出灰殘錢唐再徙成偏安天目山高新王
氣會稽鎖古舊封壇江波浩淼通滄海八月奇觀今好在日暮

秋竹齋詩存

卷第一

三

潮頭一綫來迴天幹地生精采城外城中百萬家過江甲第壯
中華汾陽異姓諸王貴樊氏東京外戚奢西子之湖更佳絕千
尺寒波卷秋雪詞客唯尋卓錫泉行人祇豔銷金穴相公長住
半閒堂悉蟹秋光一味忙但見沙隄連葛嶺不聞大礮打襄陽
六朝已是封疆仄猶自金陵都不得杭州人說小朝廷那到厓
山始傾國金隄玉牒淚空流閩土黃公度試賦聯云慈嶺金隄不日復廣輪之士泰山玉牒何時
清封禪之塵高宗覽之流涕黑子何堪數九州坐遠長江天塹險只教近上
海南舟

南宋故德壽宮

今宗陽觀

入海三宮去不回倉涼德壽閣風埃壽皇頤靜堯階素臣妾發
降宋室隳鳳岫已看雙翼折本東坡句鯨波依舊兩潮來唯餘絳觀
燒丹火冷入秋風作劫灰

遊湖船中贈延平盧孝廉家元

君此東牀臥余方北道行艱難淹客序倚薄媿親情却羨家林
近應無去就輕湖頭有酤酒愁絕且同傾

岳忠武墳仍得名字

君臣忍恥漫偷生半壁江山勢已傾廟算總將和作局獄詞偏
用反爲名軍謀虛奪黃龍府王氣先銷夾馬營莫唱沁園春一
曲南枝猶自發忠誠

于忠肅祠仍得名字

倉卒鑾輿陷敵營屢居奇貨屢乘城孫申決策宜更主叔武居
監豈代兄鐵鎖南宮非始意朝衣東市竟何名千秋功業渾如
夢嗟爾悠悠夢又成俗語夢於此

松江舟行

秋竹齋詩存

卷第一

四

到府不入市迴翔過水城風煙東楚潤潮汐太湖平江足鱸魚
膾秋多鶴唳聲勞人何意緒偏向此間行

吳江雨中舟行

淼淼寒波欲上潮一天微雨冷蕭蕭不知楓葉蘆花岸擢過吳
江第幾橋

宿平望水次聞笛

書角沈沈霜氣白沙雁畏寒飛拍拍欲眠不眠夜淺深暗背殘
缸觀窗隙三更月色滿菱灣何處高樓吹笛閒我是江湖始流
落請君休更擬關山

曉渡揚子江

江霧濛濛破曙光江波吞吐日華黃五州氣色開晴霽兩界河
山坳混范京口峰高微有影瓜州樹小不成行永嘉建業俱陳

迹天塹東流勢自長

平原懷古

目若縣珠貝編齒長身九尺偉男子胸中四十四萬言一半孫
吳半文史金門待詔同上書吾邱主父嚴徐高才袞袞取尊
貴粟囊臣朔隨侏儒武皇燕間好讀賦枚皋早被俳優遇儒生
希指競論兵司馬開邊公不與文武材高詎得伸詎謂傲弄且
容身不用爲鼠用爲虎時世今不同儀秦郭杜中規上林苑萬
頃腴田間不墾泰階獨把六符陳天表誰窺意深遠董君貴寵
莫與同圖雞蹴鞠馳北宮宣室傳宣不教入廷爭乍可迴宸聰
立朝本末總如此射覆逢占睎爾耳奇言怪語附著之往往傳
聞失眞指故事何人記洞冥更堪內傳侈仙靈發端先有王公
誕獨識天文看歲星我讀客難憐坎坷平原厭次今經過畫簾
秋竹齋詩存 卷第一 五

途中代書寄伯兄

往來雖異轍名利同奔趨兩俱無所營此客無適迂高堂聞秋
風念我單絺襦諸兄共燈火閱我學殖蕪我行無晨暮勉方
戒塗服勞不得寐無僕使我痛北州天早霜九月水棧粗袂衣
晨卽路寒風割肌膚在弱少多病慈母常恩劬膝前日已遠飢
飽誰念吾昨夢侍談幃顧我顏不舒未知陟岵望嗟季當何如
吾行本孟浪初懷効馳驅來時飛揚意及此一己無男兒不自
立籥步陵雲衢又弗守鄉里膠庠樂詩書漫言遠遊志因人豈
良圖服轅困局趣慚愧千里駒所適尙未達何當賦歸歟諒難
半途廢念當長憂虞東西南北路終落何方隅徒以不肖身日
煩倚門閭家書不忍述恐致親腸紆爲兄託微吟擲筆長嗟吁

秋竹齋詩存

壬子臘月十九日台都城赴貴州

見說黔程險難於蜀道多八千循驛嶺三月抵牂柯暮景梁園
雪春風楚水波浪遊無遠近瘴地且經過

張睢陽祠

仍得
名字

東南元氣賴孤城豈但江淮不被兵節度但思留壯士朝廷先
不識眞卿男兒受辱無如虎僕妾無勞敢愛生保障艱難恢復
易獨教李郭占勳名

黃鶴樓

黃鶴聲塵歲幾經芳洲又見草青青乘雲舊已訛仙籍破石新
曾啟祕局太白虛懷存蘊藉東坡別調託幽冥東坡有答李公
擇紀事七古
江山終古英奇在豈少高文發地靈

岳陽樓

秋竹齋詩存 卷第一

六

千秋百代此登樓元氣靈奇鬱未休野水茫茫淹古堞長風浩
浩去扁舟曾聞遷客傷畱滯誰向蒼生問樂憂十二君山螺髻
在等閒白盡昔人頭

曉渡洞庭湖

落落猶明星曉曉將出日利涉候相風開頭遲去聲辨色纔解浦
始離去聲柁轉岸如失高桅駛驚颿激箭凌飛鷁莽蒼過龍堆深
黑瞰蛟室湖光入天光曠蕩不可極風聲挾水聲迢遞不可息
昔年張樂地四顧眇難卽魚龍無復舞鈞天音響寂矯首望軒
轅恨寄雙鴻翼惟見日斜時江豚吹浪碧晚景欲蒼蒼前程稍
歷歷遠樹小若薺遙山澹於墨少辨旅雁行已覩神雅集人生
除泛海此景最奇特矧無駕浪驚復有乘風逸昔誦元九詩及
茲一相憶元微之詩人生除
泛海便到洞庭波

九

長沙懷古

仍得各字

江南都會控荆衡唐初有潭州都督府澤當年萬里程異姓建王忠著令折衝開閭勁團兵州都督府三閭將死畱奇製二傳因冤得盛名賈傳若向湘君祠下望千秋芳艸遠人情賈傳

雜興八首

沅江作

野馬光陰去不停循疏三紀遠冥冥乾坤終古存川嶽元會何年步斗星豈有神戈能返日定無仙藥可延齡補天已是傳遺壘更說疑峰九朶青

偶將微旨會莊周便入華胥國裏遊老成何曾共來往平生不省記春秋漢陰有叟方持壺壑畔何人已負舟未擬置身滄海上虛傳海客解盟鷗

大造機緘有苑枯到頭凡卉意何如蕙蘭露浥芳先盡蒲葦霜

秋竹齋詩存

卷第一

七

凌影已疎歲序循環相嬗代英華荏苒易消除惟聞窗外蕭蕭竹雪壓寒聲韻滿廬

三尺寒鉞近枕頭七星垂影燦高秋暫看已助渾身膽欲屈應殊繞指柔儘說爲龍終化去試教斬馬定堪不卽今未向豐城沒莫遣精光射斗牛

太史文章愛博徒夢他臨難肯捐軀結交遂破千金產受託終全六尺孤今日係身稱哲士當年割舌笑愚儒也知載筆低昂意莫聽班家議論粗

美人延佇楚江湄明月瑤琴怨竹枝滿眼烟波望何處一身風露立多時馨香冷落無因採魂夢蕭條有所思祇合三閭獨潔意風流異代是吾師

誰餐沆瀣泥金墓漫說黃庭養至精丹訣似曾傳六乙元功又

過守三庚吳剛斫桂終淪迹方朔偷桃豈令名不是珊珊瑣子骨可能容易學長生

但得身閒便是仙蘭膏何用自焚煎驚天事業文兼武實地工夫食與眠一種勞生分得失千秋直筆辨愚賢胸中屬有無窮念目注寒江江底天

旅雁

瀟湘烟水路三千旅雁隨羣入楚天菰米雲沈朝下食蘆花月冷夜深眠鳳皇得地巢阿閣神齋何年下潁川莫向琴中訴漂泊漫傳清怨入水弦

貴陽遣悶八首

棲遲跡跡豈堪論無限幽懷託芷蓀旅食何緣來鬼國貴州本鬼國壯遊可惜在蠻村本東春陰苦雨天應漏在天今山嶮孤

秋竹齋詩存

卷第一

八

城日易昏幾度仲宣樓上望烟寒艸綠總銷魂可度河通乍合關啟疆猶設古且蘭檣船浪打莊生棹祭星

飛漢相壇在古霧裏丹山千嶂雜箭中毒水一江盤江下流揭來指點重惆悵信有的人生行路難杜

溪寮山社雜諸羅風俗難通語盡說花危村貧銅鼓少竹龍田瘠火畊多趁墟筒布山場市跳月瓢笙水調歌曲人仲春男女三男三女相調成行男吹笙女唱歌歌幸不並居猶可怪俳諧詩體費吟哦

故國韶華萬里天客心顛倒落花前一春地溼常燒木五月山寒未卸棉需翠祠邊蘭蕊歇香香驛畔荔花鮮需翠明洪武校吏香爲總共衆二三月間滿山風光不似家園好振觸鄉思

更惘然

客中情味夢中嘗清簾簾開睡鄉斜景隔簷吟翡翠濃陰半
榻暗枕椰竹王社散江頭雨木客詩成石上霜又是鄰家雞鳴
卜越巫蠻語鐸環琅病家以藥置米上使巫師咒之

天邊孤客易心驚節物遷流百緒縈白髮倚門煩老母青燈空
館憶諸兄萬金家信經年到百越鄉音入耳清凡鄰省者相呼皆曰鄉親而閩粵兩省尤屬欲把愁心寄明月夜郎月色幾回明

間向中原數舊遊遙山遠水且銷憂銀箏夜月揚州郭鐵笛春
風鄂渚樓北地雪花晨策蹇西湖烟柳晚移舟浮萍大海終漂
泊瘴嶺蠻江苦滯留

一夕悲歌碎唾壺壯心牢落幾時蘇探懷刺滅猶騎旅撫篋書
殘笑腐儒舌在不甘吾偃蹇途窮欲被鬼揶揄將柯春盡空回
首聽罷山鵲又鷓鴣

秋竹齋詩存 卷第一

長塞寄廖三佩香 次其送別元韻四首

一唱人間行路難關山回首思漫漫夜郎天遠愁看月漣浦秋
分夢採蘭束檻哀援思舊壑厲霜征鳥滯歸翰聞君頗詞音書
少自古衡陽雁影殘

紫綺裘溫酒可賒中宵開宴似彭衙用杜詩事成漢上題襟集人
在松林處士家獨聽驪歌驚老大尚思鶴賦圖英華城南山陰
湖西舫春色何人共看花義興君居同作賦出共遊山

絕域登樓對落暉秋光暮色兩難分天邊歲月流如水地主人
情薄似雲俗語云人情薄如雲瘴動尚持無鬼論余病瘴數月著中人咸謂下一鬼聲相應詎料移居弗聽其後甫田張八攜養女來

盛世爲儒未合貧餒生何事久風塵屢豐不識荒年穀特達終

沾席上珍詩賦冠軍入郡庠以見說無雙有江夏却愁寡和是陽春還君懷抱須臾展白眼休將卻對人

甲寅元日

總期新歲霽復作舊冬寒鑪雪燒銀簷簷冰鏤玉乾病容傳臘
酒客味占春盤歸思今朝急梅花幾樹殘

苗寨

峻嶺之巔天生石城土人謂之苗寨自此以往皆苗地也
墜道飛鳥外一綫空中縈直落三千尺上頭土微平誰將混沌
塊鑄鑿爲此城蕩蕩無縫隙屹若崇墉撐兩頭通風雲中垣容
連營當關一夫臥萬甲不得爭深山已荒邃門戶還生成竹籠
肩一石負重身益輕倏下倏復上飛趨鬪鬪皇風有苗格干
羽羅階盈負嶠固無慮服化齊編毗自古有設險咽喉必屯兵

秋竹齋詩存 卷第一

誰其按圖經務使斥堠明長塞以此得名以其爲苗疆重地故於此設同知

鄰翁邀看芍藥

默坐數蝴蝶一一飛過牆凌晨鼻觀清空外聞生香老翁古眉
鬚偃僂來我旁邀我入小園履行觀衆芳衆芳半開落芍藥如
初粧頰姿玉靨顰廣袖雲衣裳迴步入其廬淨几素木牀竹簾
自煖火瀹茗令我嘗自言二十年足不離此堂愛花入骨髓種
植求異方久之與花化其方今亦忘不外因自然根蒂勿敢傷
謹伺其燥溼剗調其溫涼菊蕊與橘露厥害常周防草木生意
遂莠蕾殊尋常邇來坐賞翫一勞得十償不意荒陋地中有高
蹤藏厥語雖易曉似含意味長顧若鄙樸翁隱指非所望仙耶
隱者耶安得知其詳

武陵

依舊桃花水何人復此漁神仙千古事雞犬一方廬估舶多裝米廬區半養魚徒然溷塵俗不見避秦餘

宜春江行

江行愛清暉近遠爭異態不知水縈回但覺峰向背日落山氣陰月出灘光碎危紅帶浦潛老樹偃沙背魚翠拂燈迴雁圍衝漿潰露下帆亦收極杙青林內

距滕王閣百二十里不得至向同舟客詢其繁客能誦子

安落霞二語爲余言佳景初不外是也

仍得各字

珠簾不捲聽江聲歌舞無如景物清才子文章三絕作估人舟楫九江城潮生極浦連天白雨送殘霞射日明猶有巴山舊臺榭流傳終藉浣花名

溪漲

杜老有滕王亭子二律閩州作

秋竹齋詩存

卷第一

上

山雨通宵足溪流幾尺添魚龍應有喜舟楫定無嫌正合歸心急能催客路淹高堂連日聽乾鵲噪茅檐

六月三十日抵家

四月十三日發廣應十九日省城長行

真到翻疑夢登堂一惘然團欒慈氏喜落拓故人憐暑路盡三月寒裝餘一棹薄游何足悔且復理殘編

九月六日榜發與虛白兄蔭鄰從弟同捷家有護草根已

撥棄矣余爲易盆栽之是日適發雙枝

不博慈心慰還歸亦枉然文章庸我幸辛苦合天憐况有駢枝瑞居然脈望仙所悲空手澤淚灑納櫺編

受業王道徵校字

秋竹齋詩存卷第一終

秋竹齋詩存卷第二

福州 梁運昌 曼叔

乙卯元日贈官志齋 崇會禹門 奮春 時同舟北上

清流郭有道雅尚王無功士習文章日家傳廉讓風歲新親舍遠春好客囊空更稔仙仙舟侶參懷顚顚同

懷五弟芷鄰由湖南北上

不共同舟去遙憐第五貧前途自知已

招之枉道漫因人烟雨千山曉蘭蓀一水春定知離思動梅問楚江津

禹門索詩因撫途次談言戲成十首

自說名家本四曾

禹門云子固兄弟五人仲氏布以好同削去之故稱四曾余仍其語風流猶覺

裔孫能清高合並凌霄鶴伉爽如看浴海鵬妙歲聲華先籍籍

賢書姓字早稜稜誰知慧業關根器名士前身半是僧

秋竹齋詩存

卷第二

一

冬郎少小好風姿萬里桐花颺鳳時才子巾箱半金粉美人襟

盡盡胭脂吹臺慷慨人爭識樂府流傳自不知

途申示余鈞範臺懷古詩及兩無雙江夏是黃童曾記羊車小市中羅袖拂衣春宛轉明瑞結

珮月玲瓏名高合受憐才累賦就終存好色風誰識潔修公子

意微波枉託一辭通

俠氣飄蕭未掃除丈夫何事不粗疎博徒浪迹常兼酒壯士開

襟肯學書士伍生能羞噲等客豪虎莫望陳餘南華說劍篇猶

在誰道遺言屬子虛

買絲何處繡平原漫欲將身號報恩誰見綈袍憐范叔早聞尋

食厭王孫呼之舉世皆牛馬化去今生定鶴猿

北上求助於所親不應反加擾

擊碎唾壺歌不得傷心懷抱向誰論

早歲誦詩嗟鮮民夢我掩卷足悲辛青嶂舊壘三年合白髮高堂雨鬢春鳥島私情無告日驂駢將母不遑身連歲負米滬江何時乞得微官祿折節功曹只爲貧

計吏春官重往還青衫淚溼聽關山酸醜不解從時好箕斗何能破命慳絕代嬋娟空綠鬢十年飄泊損朱顏郎君復策看花馬不似當時玉筍班

彩波紅雨怨天涯悔不斑驢且住佳十日雪花迷遠道一江香艸散幽懷夢回夜月芙蓉帳恨結春風翡翠釵見說刀鐏勞望眼禁砧何計爲安排

總角交遊便老蒼清文花萼各爭芳一門遇未吾天壤二俊機雲爾頡頏余兄弟四人禹門兄蕭瑟門庭名士宅陸離冠佩少

秋竹齋詩存

卷第二

十一

年場江湖又託同舟侶合讓元龍在上牀

旅館霜濃夜未闌夢醒剪燭話辛酸空吟蟹負論心苦禹門贈有蟹語共聽雞鳴抵足寒囊之客懷誰暢好年侵家計各艱難愁腸鬱鬱爭消遣贏得溪山且飽看

凌霄嶺

泝水厭輕舸行山意始豪春泉懸雨急陰壑洩雲高鳥下平蕪疾牛耕絕壁勞捫蘿未知險回望始滔滔

大岡嶺

閩浙分界

無諸千里盡於越萬山長路入東西湖峰連大小岡雲生征蓋重日落成樓荒故國應回首前途卽異鄉

黎嶺謁李建州

祠今嚴州也

踰嶺牧旣聞溪山似瀨瀨林泉供傲吏嘯詠作詩人官績稽蘭

疑民心寄藻蘋渾尋碑碣沒蝙蝠挂梁塵

五顯嶺

山門外有化僧肉身相

人跡掠飛鳥盤盤升碧岑人從翠微轉鳥傍夕陽沈水斷凡間路松雷太古陰涅槃盤飾遺相未見布黃金

補禹門兩漢詠史小詩

甲寅十二月二十二日與志齋禹門同舟阻雪不前禹門先成詠史小樂府百二十章使余補其遺闕行篋無兩漢書三

人各隨所記簽題務滿八十事以足成二百章是以或詳或略弗能均備至歲除前一日成八十首其未盡者於新歲元日足成之增爲百絕句

論相及身後漢祖無此智先不識鄧侯何能識其次舜有天下時瞽瞍不擁帚家令晏語言得實何其厚

秋竹齋詩存

卷第二

三

可憐族韓彭毒手出呂雉吾知呂嬃讒必曰立如意哭子自可哀何故泣不下向來戮功臣到此未免怕卽使返江東未見重捲土英雄死亦快誰肯傷門戶立楚絨義帝一由彼所教歷陽計何奇前後徒自撓相國詒淮陰明知不得語啞子喫黃連誰說心頭苦公卿盡軍吏舉朝輕儒風齊相獨下士所禮乃蓋公莫道王陵惡無人心與齊廷爭俱若此猶足憚晨雞曲逆讀書日割肉意已遠不與蕭曹同度經作吏損獨居自深念丞相亦無計聊先用下策劫商而得寄產祿兩備奴一嚇已破膽太尉果重厚頌言誅未敢沙中坐偶語未必卽謀反聊先戡上心功臣得安穩呂公堵屠狗豈不識英賢鴻門及咸陽智勇差能全

北平本柱史讀遍柱下藏文字無用渠以算得計相朝儀亦小小何用張大爲叔孫不自鄙宜蒙兩生嗤樊伉不得免辟陽獨見存保持必有德豈徒賴平原平陽佐太尉奔走劇紀通如何罷書吏終無尊立功

明言惠後宮殺母名其子將相用陰謀一切謂非是文初擬制作賈生議公卿中夏謝不敏恭儉爲守成縱濫幸臣恩能尊丞相體盡消先朝慢遂隆後代禮將軍不遇時才子又坎珂不盡用讒言帝心自謂過故安非通侯蹶張作丞相何如用陸生才局張蒼上辟疆十四五身已侍帷幄不爲畱立後無乃文之薄葬母雖甚貧豈賴邪人禔終爲受恩死多事此一說鼂子霸王策頗復用空談上繼治安遜下視天人慙

秋竹齋詩存

卷第二

四

袁絲傾險徒足以喪首領猶得正議名被刺非不幸諸王無教訓驕慢坐假蹇谷口四十乘茲事豈是反慮非少主臣強坐以快快大哉豐先挑何侯買器莽爲之不以漸身爲世大誅反者豈可謝景薄而且愚雖有英武號故自未免癡生平最絕倒五利一場欺無論親子姓出外卽疎忌人衛亦常理何遽斬來使衛霍爲大將耀武侯外家少年獨知指首功歲歲加武皇寵冠軍亦是夸謾計登封假靈祇子侯一日斃年年大出師入夏已返旆秋高馬健肥匈奴仍入塞素非重德臣驟當顧命寄徒以謹慎取終竟反者二平津獄郭解未必無文致及其闕助軍論正非意忌雖不及伊呂猶當羞管晏蘊抱不可知父子遂異論

秋竹齋詩存

卷第二

五

卜式論權算乃欲收人情旣工盜爵位又工盜聲名犧牲不如儀耐金不如法用此鐫微侯何逃於令甲丞相虛當軸將軍實秉鈞也應譏作法莫止笑容身封禪平準書後作難爲繼獨詳漢時政不起史家例禮樂篇非軼龍門未作書漢興將百載此事竟全虛中外握兵權盡屬霍家壻此爲子孫禍萌芽豈芭刺彼言官天下求禪慎勿許何殊帝不諦此是何等語帝師宜作相不悟是舊僚何異寶車騎名德推鄧彪魏也趙京兆蕭死韓馮翊不及博陽侯吐茵見容德歎息蕭長倩眞堪社稷臣兩朝皆遇主讒隙竟以身疎賤不自識輕欲搖中樞坐看豪氣重此道足已軀三公寒災異變理責有歸後宮關日食天子獨無譏

自無忠鯁風又寒忠鯁路無奈安昌侯一言傾漢祚何言匡丞相能希中書帟不及甘義成弗娶閼人姊布衣弄筆札進退乎三公縱令合公望豈可長此風但到懸車日辭官便引年如何千載下獨歎二疏賢何須盲子夏強說將軍起苟欲得巨勢令身有依倚所見自不真容易勸嬪位愚儒自取死焉用知識釋太師人省時慙媿靈壽杖若死元壽前詎非一賢相富貴能幾何甘蒙逆黨恥劉德既無孫甄豐復有子蕭王遜河北幸不當兵衝由來驅除難眞主方潛龍公孫視光武反比高皇優此誠吏識解何自知垂旒國統竟三絕顯後終不昌當年用二獻祚祢何洪長令史有杖督議者猶謂非九卿尙捶撲撞郎何足譏